



17207

kat. komp.

I

Mag. St. Dr.

P

Z.

*Terobicevic Sambri Pius Manibus
Magni Joannis de Lamoscia.*

PANEG. et VITAE

Polon. 4^e

N. 1220.

P. 742 f

PIIS MANIBVS
MAGNI IOANNIS
DE ZAMOSCIO, SVPREMI
REGNI POLONIÆ CANCELLA-
RII, ET EXERCITVVM DVCIS
GENERALIS:

MVSA,
MILES QVE,
MNHMEION.

IACOBVS SCROBISSEVIVS F.



CRACOVIAE,
Apud Viduam Iacobi Siebeneycher,
Anno Domini M D CV.

*A. Imosin Rnto p. Ioanni Foxio I. V. Doctori
Canonico Cracovien. the et patrone archi etc.*

AD MAGNANIMVM
ET ILLVSTREM VIRVM
NICOLAVM ZEBRZIDOVIVM,
Palatinum & Generalem
Cracouiensem.

DVM funus Heroi apparas ZAMOSCIO,
Illustris Heros, ac supremum mortuo
Honorem amico reddis, omni agens ope,
Amor quod ardens suavit, almaque pietas.
Hic interim mœrens, dolensque, maximi
Fatum viri desleui & ego. viri illius
Semper domare qui potuit hostes feros,
Suadaque delenire dura pectora,
Bonum tuendo publicum medullitus.
Doloris argumenta luci credere
Persuasit insuper mihi meus dolor,
Alia patrôno iusta dare quinam potis?
At vero virtutumque, mentisque, intimo
Herois huius æmulo tibi, dico hæc.
Exile quantum maximæ ingenium rei
Decerpfit, y't tantum reponat gratiæ,
Sublimè splendens nominis tui decor.
Fave camænis, MAGNANIME Vir, tristibus.
Patriæ Deus te seruet, & bona faustitas.

I. S.



PIIS MANIBVS
MAGNI IOANNIS
DE ZAMOSCIO.



Ille, qui sæuos domitabat hostes,
Aurea mulcens patriam quiete,
Ductor heu magnus cecidit, iacetque,
Marmore clausus.

Ecquis, humanã memorando sortem,
Audiet ciuis gemitu represso?
Concidit murus patriæ, bonorum
Aura ZAMOSCVS.

Tu prior testare tuum dolorem
Palladis cœtus, lacrymæ per ora
Diffluent, luctum resones relictæ
Turturis instar.

Lumen extinguens fera mors sororum,
Artium lucem rapis immerentum,
Vnicum tollis decus, & patronum
Ingeniorum.

Orba quonam confugiam camæna?
Vnde deserta auxilium requiram?
O meum sydus, columen, decusque,

MAGNE ZAMOSCI.

Integra à te delicias petebam,
Læsa te viuente animum fouebam;
O meum sydus, columen, decusque,

MAGNE ZAMOSCI.

Tu dabas pueros nemorum recessus,
Phocidis pandens latices serenos;
O meum sydus, columen, decusque,

MAGNE ZAMOSCI.

Dona tu largâ mihi conferebas
Dextera, tardam stimulans iuuentam;
O meum sydus, columen, decusque,

MAGNE ZAMOSCI.

Ergo sic nobis helicen trionis,
Et Napæarum iubar, & canoræ
Thespiæ lumen nitidum, abstulisti,

Mors truculenta?

Plange, nec cessans gemina dolorem
Musa, vocales lacrymosa chordas
Tange, de multis referasque pauca

Facta Patroni.

Arduæ virtutis iter puellus
Fortiter prendens, superis nec imis
Hæsit, incedens mediocritatis

Tramite tutus.

Non

Non voluptates animum iuuentæ,
Illices nec blandiciæ, nec iræ,
De statu mouère graduque, pulchri
Pectus honesti.

Vidit hic ipsam teneris sub annis
(Quod datum paucis) faciem decori;
Vidit, ac eius nimium potenti ex-
arsit amore.

Orta doctrinæ simul hinc cupido,
Insitam quæ vim studio fideli
Promouet, paruum quod erat sub ortu,
Pandit & auget.

Indolis celsæ documenta, magni &
Ingenj quamuis dederat domi iam,
Impotens sufferre tamen quietem
Igneus ardor:

Sede dimouit iuuenem paterna,
Impulit terrasque Latini adire,
Artium cultu celebremque I V L I
Cæsar's urbem.

Fulgidum cursu veluti perenni
Nititur cælum, stationis experts:
Sic loco nescit generosa eodem
Stare viri mens.

Diligens

Diligens quisnam studium referret?
Inque doctores pietate plenum
Pectus? aut constantem animum sub ipso
Flore iuuentæ?

Nox adhuc æthram tenebris tegebat,
Hunc vigil doctrinæ amor excitabat.
Quam grauis iactura foret fugacis
Nouerat horæ.

Aut manu doctas igitur fouebat
Paginas, doctis operam aut fidelem
Dans, opes veras animo parabat,
Ocia pellens.

Gentis hic nostræ decus in remotas
Intulit gentes, PATAVI gubernans
Strenuè doctus iuuenis superbas
PALLADIS arcæ.

Martis hoc regnum vocitabat olim
Audiens Gallusque, Italusque, bella
Incolas tantum meditarierque
Credidit orbis.

Ast eum sensum repulit ZAMOSCVS,
Esse pugnaces docuit POLONOS,
At nec inuitos dare nomen almæ
Sæpe Mineræ.

Altior

Alti or primo quoties decore
Phœbus apparet nitidis Eois,
Flammeam lucem simul occidentis

Spargit in oras.

Dum procul surgit patria Zamoscvs,
Fama confestim populos replebat,
Nuncios, clarum generi Polono

Lumen oriri.

Fama non fallax. redijt. paternosque
Attigit tractus, radios retexit
Ingenj vis illa, scientiæque, &

Incljta virtus.

Non potest flammæ excita lux latere,
Nec facem ardentem modius recondit:
Nemo repressit rutilantem in alto

Lampada cælo.

Consilij tempus venit. effluebat,
Dulcis, ac prudens nimis ore sermo:
Pectus at si res animumque magnum,

Magna vocabat.

Siue grata pace, seu cruenti
Martis in castris, animosus, idem
Cautus, incertumque animosior, vel

Cautior esset.

Phœbus

Phœbus ô tantum mihi si dedisset
Gratiæ, plectro canerem sonanti,
Mira, quæ firmabit edax vetustas,

Facta ZAMOSCI.

Dicerem pugnas, memorabilesque
In sinum illatos patriæ triumphos,
Sæpè servatam exitio, sagaci

Consilio rem.

Iam fugam MOSCHI canerem, minasque
In precem versas: iam animum decoris
AVSTRIÆ suctum imperitare, Marte

Hoc duce versum.

Nec silerem TARTARICAS phalanges,
Gloriosè inter CYCORÆ fluenta
Territas, venisse breui sub arcti

Fœdera pacti.

Non MICHAELIS domitum furorem
Præterirem, non CAROLI tremorem:
Aureos mores, animum, genusque,

Ducerem in altra.

Ferre sed vires onus hoc recusant,
Languet imbellis lyra, nec colorem
Viuidum promptum reparare, abactò

Sole Camœnæ.

Flos

Flos velut latè iaciens odorem,
Deijcit cæsus caput, occidisti
Magne vir, lumen patriæ, occidisti,

IANE ZAMOSCI.

Tota PARNASSI domus, in silenti
Eiulat luco, rapuit ZAMOSCVM,
Rebus humanis periniqua fors, ah

Dura camœnæ.

Fata quin æthram terigisse tanti
Cernimus ciuis, lacrymas profudit,
Nec modum ponens, madet irremisso

Imbre etiam nunc.

Vidimus mœsti nimium, retortis
Istulam flauum violenter vndis,
Ceu subiratum, in nihilum redactum

Isse labores.

Influit campis agitatus humor,
Fertiles frugum rapiens aristas,
Nec suo assurgens, rutilat, cadensque,

Lumine Titan.

Condit & Lunam simul atra nubes,
Plena res mutare locum pericli,
Plura vix vlllo cecidère seculo,

Fulmina cælo.

B

Hinc

Hinc PALÈS mœrens sata dereliquit,
Segnis in cursum sonipes resurgit.
Graminis pingues male carpit ipse
Laniger herbas.

At chori Phœbus pater atque princeps,
Mœstior ponit citharam: sorores
Voce lugubri vocat ad sepulchrum
Dulcis alumni.

Maximi proles Iouis, ô nouene
Coetus, ô Nymphæ nemorum, fluenta
Quæque transitis: noua nunc dolorem
Causa ministrat.

Sueta linquatis loca, ad eiulatum
Ite nunc, fidæ comites laborum:
Diffluent per colla comæ, lacertos
Dextera pulset.

More nec verbum solito remittat
Ultimum, at totos gemitus refundat,
In cauis antris habitans, & altis
Montibus Echo.

Audiat vestrum fera mors dolorem,
Audiat pontus, rutilans & æther,
Quicquid ac vasto gremio vniuersus
Continet orbis.

Occidit

Occidit sydus nitidissimum, vis
Ingenj splendens, & apex bonorum,
Thespiaë vindex celebris, Z A M O S C V S.

O dolor, ô mors.

Cuius, illustres peperit triumphos;
Nobilis virtus, superare vitam
Nestoris dignus Pylîi, occidit nunc :

O dolor, ô mors.

Hunc nec accrescens soboles videbit,
Nec tori consors, nec amicus : ossa
Contegit tellus, melior recepta

Sede poli pars.

Occidit cultor pietatis almæ,
Principi, charæ patriæ, Deo que,
Reddidit quicquid potuit, paratus

Fundere vitam.

Semper huic certamen erat pudoris
Cum modesto, non tenuem premebat ;
Strenuo, virtutis iter capeffens,

Par, & amicus.

Dexteram qui supplicibus benignam,
Ac opem promptam miseris ferebat,
Alleuans pressos animo, occidit nunc :

O dolor, ô mors.

B 2

Ille,

Ille, quem vester teneris ab annis,
Splendidè eduxit chorus, & decorum
Fronde præcinxit caput, occidit nunc:

O dolor, ô mors.

Orsa si vincire modis libebat,
Liberæ aut vocis referare dona,
Semper hinc vestrum referebat altum

Nomen honorem.

Occidit, qui templa serena vobis
Condedit, CYRRHAM referentia, vnde
Docta dimanant monumenta, partes

Orbis in omnes.

Ore qui vos ac animo ferebat,
Casibus vestris doluit que semper,
Sedulo quærens & amica vobis

Ocia, raptus.

Lumen extinctum gelidi trionis.
Celsit è vita pater orphanorum.
Clara Parnassi cecidit corona.

O dolor, ô mors.

Ergo festinate meæ sorores,
Spargere Herois tumulum, nouenis
Floribus, cuius micat inter omnes

Gloria Lechos.

Hoc

Hoc pias saltem cumuletis aras
Munere, hoc manes, animamque magnam
Nunc honoretis, manibus feratis

Lilia plenis.

Sacra iam laurus folio tenaci
Pullulet, belloque, togaque, magnum
Hic virum postum, referat futura

Posteritati.

Torquibus nexis iacite ac amellum,
Tollat ingentesque comas, notetque
Strenuum de Lechiadum, quiesse hic,

Sanguine Achillem.

Iam fores castas hyacinthus ornet,
Et rubens narcissus odore pleno,
Compleat limen tumuli, locumque,

Signet alumna.

Nec grauet parvus labor, inferatis
Candidam promptè violam, & rubentem.
Hic thymi blandè redolentis adsit,

Gratus api flos.

Lenius victrix hedera ad sepulchrum
Serpas, in partes folium decorum
Semper effundens, viridante adornet

Stipite tumbam.

Ferte

Ferte Pæstanas simul & rosas, quæ
Promicent splendore: patens rosetum
Ad caput surgat ducis, & patroni,
• Flore perenni.

Temporis natæ properantis Horæ,
Vnde fulgentes reparent coronas,
Non honos græti, patriæ parenti,
Desit odoris.

Nulla iam vero mora sit, sorores;
Ocius celsum tumulum petatis:
Nec satis vidisse, iuuat morari, ac
Fundere fletus.

Annuas, quin vos etiam, querelas,
Solis exortu renouate, triste
Vox sonet carmen, referatque mœsto
Lechia plectro.

Texit hîc IANVM tumulus ZAMOSCVM,
Paruis, ingentem. ô patriæ leuamen,
Et chori nostri decus, ô perenne, hos
Accipe planctus.

Germen antiquum generis Poloni,
Nobile, illustre, ô locij ZAMOSCI,
Acris, infractæ, celebris, decoræ
Militiai.

Nunc

Nunc iubar pictum galeæ comanti
Demere est tempus, litui dolorem
Insonent, rauco referantque mæstos
Murmure questus.

Flectite huc cuncti lacrymas: amica
Signa, dites exuuiæ, fatiscant:
Ensis inuictus iaceat, nec arcus
Hæreat armo.

Fortis ille, acerque, ferox duelli,
Præliique interritus en ZAMOSCVS,
Quem vices nullæ domuere, lethi
Concidit ictu.

Vindice excelso patriæ CAMILLO
Non minor, SCAVROS, animæque magnæ
Prodigum PAVLVM, FABIOS adæquans,
FABRICIOSQVE.

Africæ haud cedit domitori vtrique,
Nec DIONÆO, licet inter altos
Prænitet, multis ducibus Pelasgis
Anteterendus.

HERCVLE haud ipso minor, hunc labores
Euebant quamuis, celebrent camœnæ,
Omnis ac tellus superata, cœli
Culmine ponat.

Ducitur

Ducitur laudi Libycis arenis,
Strenua ANTHEVM posuisse dextra,
Atque CENTAVROS acie, biformes
Perdomuisse.

Dicitur, vicisse ferumque CACVM,
(Hinc diem festum celebrant minores)
Et CLEONAEVM patriæ imminentem,
Straffe leonem.

Sic relegatas adijisse gentes
Vitimis terris, pepulisse monstra hinc,
Fertur, ac nullam temerasse pestem,
Fortia membra.

Quis labor, quæ cura, tium ZAMOSCVM
Fregit, ô miles, domuitue? quæ vis?
Casus aut quisnam violauit, inter
Martia tela?

Pro sacris nullum timuit periculum.
Dulce duxit pro patria perire.
Nullus ex eius spoliis recepit,
Laudibus hostis.

Hoc duce, ô quam sæpe tibi cateruæ
Hostium cessere? alacer fugabas
Millia ô miles, trepidationis
Cladis & expers.

Siue

Siue in aprico steterant Phalanges,

Astus hostilisue dolos parabat :

Menibus seu deiiciendus esset,

Hostis ab altis ;

Victor hoc ductore comes redibas,

Nulla vis, casusque malus nocebat,

Sic tibi pulchram, patriæque laudem,

Conciliasti.

Mars fremens ferrum quoties vocabat,

Cassicum cornu sonuit : pacisci

Si datum, clemens animus, piusque,

Arma tenebat.

Hoc Ducis Regnique decus putabat,

Arma nunc intensa tenere, pacis

Nunc bonum fidis agitare verbis,

Consilioque.

Martio hinc ludo redeunte, semper

Diximus gratanter io triumphe :

Sospitatori que Deo, dabamus

Thura benigno.

Laudis æternæ comes, eia, tolle

Mæstior iam luctificum sonum ; atque

Imperatori superadde magno,

Flebile carmen.

C

Incolæ

Incolæ Regni, procères beati,
Ciuis heu magnus cecidit, POLONAR
Gloriæ vindex, patriæque custos,
Fortis, & acer.

Luminis qui dum capiebat auras,
Nullus insurgens nocuit tumultus :
Cuique iucundos, vigili hoc, licebat
Ducere somnos.

Qui nihil maius, meliusque duxit
Publica re; hanc, ex animo videre
Labis immunem cupiens : cadit nunc.
O dolor, ô mors.

Iura qui sanctè coluit, fidemque :
Mentis integræ speculum, vetusti
Stemmatis splendens decus, occidit nunc;
O dolor, ô mors.

Iam vale dixit patriæ supremum,
Ille, qui viuens recreabat æquè,
Infimos, summos, equites, senatum ;
O dolor, ô mors.

Cuius externus stupuit catum cor,
Atque fortunam timuit fauentem.
Auxilij vis occubuit ZAMOSCVS.
O dolor, ô mors.

Pectus

Pectus infractum dubijs periclis,
Dexteram victis dare iura suetam,
Fulgidum lumen, grauis in sepulchrum
Intulit hora.

Intimum, ô miles, renoua dolorem,
Marmori insculpens memorem querelam.
Clausit hîc IANVM tumulus ZAMOSCVM;
O dolor, ô mors.

Qui tegis tanti ducis & patroni
Membra, fortunate lapis, patens sis
Omnibus, qui conuenient solutum
Iusta sepulto.

Manibus celsis, patriæ parenti,
Debitas quisnam lacrymas negabit?
Illicet luctum renouans, Polonus
Personet orbis.

Tu quidem felix, nimium beatus,
Splendidè fortuna cui peracta:
Non tibi fraus, non nocuit periculum;

MAGNE ZAMOSCI.

Vortices inter salis æstuantis,
Inter obstantes variè procellas,
Inter insultus Boreæ, attigisti
Littus amicum.

Membrā non præmisit iners senectā,
Nec ferox casus tumulo, nec ensis;
Blandior sed te explicuit, quietem
Mors imitata.

Sensit inuictum ferus hostis ensem,
Impetum nullusque tuum repressit,
Ad tuos omni celebris redisti
Victor ab ora.

Cessit & fortuna tibi, potentes
Cuius obtutum metuunt tyranni;
Cessit, & nullos violauit actus,
Impete diro.

Quis duces claros numeret, grauesque
Principes, lapsos grauiore casu?
Est, fuit rarusque senex, beatus
Semper & idem.

Pace tu felix, acieque victor.
Strenuè factis pariter (stupendum)
Nomen æternum tibi comparasti,
Ingenioque.

Non tamen mentem nimium benigna,
Sustulit sors: non probitas secundis,
Non opum dono intumuit, nec alti
Sanguinis ortu.

Patriæ

Patriæ cūstos, cōlūmen Senatus:
Vnicum, summūq̃ue decus camcēnæ:
Norma virtutum, bone cultor almæ
Relligionis.

Post tot actos eximiè labores,
Mente pro casta, pietate vera,
In Deum, dulcem patriam, fluentis
Tempore vitæ.

Aurea tu nunc frueris quiete,
Inter illustres animas relucens,
Numen æternum veneraris, auctus
Munere cœli.

Sic sator rerum benefacta pensat:
Ac suas sedes locat inter astra,
Nec potis ferri stygias ad vmbas,
Inclyta virtus.

Viuis, & viues stabiles per annos,
Additus ciuis nouus ac Olympo,
Aureum vultu iubar, & serenos
Fundis honores.

Liuor infestus tibi nil nocebit,
Nominis fulgore tui retusus,
Occulet sese, caput inter atra
Nubila condens.

Quin

Quin tuum splendens decus, atque laudes,
Fama per latas spaciata terras
Prouehet, qua sol oriens, cadensque,
Frena retorquet.

Tarda qua terras helice pruinis
Damnat, ac vrbes, populosque fortes,
Quaque subtristes nebulosus imbres,
Colligit Auster.

Nulla te mundo rapiet vetustas,
Conferet tecum decus omne priscum,
Fama miratrix senioris æui,
Iudice vero.

At tuo nos hic obitu gementes,
Ceui pater natos moriens, relinquis:
O vir, à nullis reticende seclis,

MAGNE ZAMOSCI.

Imbre non cessant oculi madere,
Tabuit mentis vigor, & serenæ
Vela caligant sine te carinæ,

Optime Ductor.

Vt perit cum sole decor polorum,
Nec tenent stellæ faciem minores,
Sic color tecum periit venustus,
Regnicolarum.

Fata

Fata dum parcent animæ, clientes
Serta ponemus tumulo, sacrantes
Debita manes lacryma, nec vnquam
Corde recedes.

Tuque succrescens generosa proles,
Des odoratas tumulo coronas:
Ac honorem, Die puer, supremum
Fac genitori.

Cresce, virtutisque memor paternæ,
Arripe haud multis iter expeditum
Gloriæ, felix, & in omne viuas
Nobilis æuum.



Fac dant parcent animas, clementesque manus
Sera pogenus tunculo, lactantesque vasa
Depos manes lacrimas, nec vnguentum odorat
Corde recedes, o mater.

Tuque lactes genitrix proles, superba
Des odoratas tunculo coronas: hinc, hinc
Ac honorum, hic puer, hic primus hic iuventus
Fac genitoris, o mater.

Orbes, variis hinc membra parcent, hinc illis
Aripe hanc, munda sit exordia
Gloria, felix, & in omne vias
Nobilis enim, o mater.

Imbric non cessat, o mater, hinc illis
Orbis, hinc illis, hinc illis
Orbis, hinc illis, hinc illis
Orbis, hinc illis, hinc illis



Imbric non cessat, o mater, hinc illis
Tabulae non cessat, o mater, hinc illis
Veneranda non cessat, o mater, hinc illis
Veneranda non cessat, o mater, hinc illis
Veneranda non cessat, o mater, hinc illis
Veneranda non cessat, o mater, hinc illis
Veneranda non cessat, o mater, hinc illis
Veneranda non cessat, o mater, hinc illis



